

AANNIAQTULIQIYIT

**AANNIAQTUT AULLAARUTAIT
MALIGAQ**



MUNAQHILIQIYITKUT

Imaruqtirvia 2013

ILULINGIT

		Page
Ilanga 1	MALIGAQ UQAUHINGA	1
Ilanga 2	ILITQUHIIT	1
Ilanga 3	UUKTUUTIT	1
Ilanga 4	KANGIQHIDJUTIT	1
Ilanga 5	HULIYAKHAIT HAVAARIYAKHAIT	2
Ilanga 6	ATUQTAKHAIT	3
Ilanga 7	MANIQAUTIQARVIKHAT	4
Ilanga 8	MALIKTAUYUKHAT	4
Ilanga 9	NUNGUDJUTIKHAA	4
Ilanga 10	UQARVIGIYAKHAT	5
<i>Maliktakhaq 1</i>	<i>AANNIAQTUT AULLAARUTAIT IKAYUUTAIT</i>	
<i>Maliktakhaq 2</i>	<i>AANNIAQTUMUT MUNAQHI AANNIAQTUP AULAQATIANIK ANGIRUT</i>	
<i>Maliktakhaq 3</i>	<i>UUKTUFFAARUTIKHAIT</i>	
<i>Uiguaq A</i>	<i>IKAYUQTAUYUQ IKAYUQTAUYUP AULAAQATIA ANGIRUTIT</i>	
<i>Uiguaq B</i>	<i>PIYUMAKPAT IKAYUQTAUYUP AULAAQATIA AULLAARUTAA</i>	
<i>Uiguaq C</i>	<i>UUKTUFFAARUTINIK TITIRARVIKHAQ TUKHIUTIT</i>	

1.0 ATUAGAP UQAUHINGA

1.1 Munaqhiliqiyitkut (Aanniarnikkut) ikayuqpektut aullaarutikhaaigut pittaagtunut Ikayuqtauyunut aulagtukhanut Taaktiliqiyaamingni pilimaitamingnik nunallaamingni.

2.0 ILITQUHIIT

2.1 Una Maligaq titiraqhimayuq malikhugit ilitquhiit:

- (a) Inuit Hivunikhaliurutikhat, ilauyut ukunani hivulluurutit ukpiriyayut una Kivgaqtuiniq – kivaqtuiyut hunaqautiqaqtitait ilatik nunallaaqtiglu; unalu Inuuqatigiittiarniq – piqpahukhutik inungnik ilagiiqatiqarniq, aallanik inungnik munaqhiblutik, ilitariyauhimayuk piqpagiyaublutiglu;
- (b) Tamaita hulidjutit aanniaqtailinikkut ikayuqtigiyaat inuit hivullutilugit;
- (c) Akiikhait tingmiyaami haputauyukhaunngittuq taapkununga kimuliqaak ikayuqtauyukhaq aanniarnikkut pilitaitamingik nunallaamingnit;
- (d) Aanniaqtailidjutit ihuarutauyukhat, kangiqhinnarlutiglu, hailiminavaglutiglu aallanguqtauqattahimaitumik tamaini avikturvingni;
- (e) Aanniaqtuliyiyit aulayukhauyut kiudjutiqaqpaglutik, ihuaqtakhaanut kiuqattaqtaarkutiglu; imaalu
- (f) Nunavunmi aanniaqtailidjutit ikayuqtaat hailidjuhiatigut ilitquhiit *Kanatamiut Aanniaqtailinirmut Maligaq*.

3.0 UUKTUUTIT

3.1 Una Atuagaq atuqtauyukhaq tamainit Ikayuqtauyunit atuqpagait aanniaqtailidjutit nunallaamingnit hilataanit malikhugit maligaliuqhimayut pidjutikhallu:

- (a) *Aanniarviup Qulangnaiyautit Munaqhiliqiyit Inuuhiliqiyit Auladjutait Maligaq;*
- (b) *Aanniaqtailinirmut Munaqhiniq Maligaq;* unalu
- (c) *Ihumaqattiarnirmut Maligaq*
(atauttimut, “Maligaliurniq”).

3.2 Una Atuagaq titiraqhimayaa Ministauyup Munaqhiliqiyitkunut

3.3 Aanniaqtut aullaarutait hannaiyaqtauvaktut ilaanilu, akiliqtuiblulik hiniktarviinik, niqikhainik, akhaluutituutainik, ikayuqtikhaanik imaalu aularniq naunaiqtauttaaqtuq ilanga tamaalluuniit ikayutauyup hailiniagut qulangnaiyautainik pidjutainigluuniit akiliqtauvaktut uvani Atuagarmi. Ukua ilauyut avaliittunngitutiglu:

- (a) Akiliqtauhimaittut Aanniarnirmut Ikayuutit;
- (b) Tavungaraaluk Aanniaqtailinirmut Ikayuutit;
- (c) Havaktiit Aanniaqtailinginni Akiliuhirnikkullu Katimayingit;
- (d) Nunalingni Aanniaqtuliridjutit Naunaitkutait;
- (e) Nunavunmi Kavamangat Havaktut Kigutilliqiyinut Aanniaqtailinirmut Ikayuutit; unalu
- (f) Ilikkuuqtut Qulangnaiyautit.

4.0 KANGIQHIDJUTIT

- 4.1 Inirnirit – kangiqhinnaqtuq imaa Nunavunmi nunaqaqtuq ukiulik 19-nik avatqutaaluuniit
- 4.2 Angutauyut Aanniarviit – kangiqhinnaqtuq imaa aanniarvik, munaqhiqarvik, irnivik, avikturviit munaqhiqarviat, imiruiyarviit angiqtauyait Ikayuqtiata Tuglia Ministauyup - Auladjuhia Aanniaqtailinirmut hailihimangittut ikayutauyup nunallaangani.
- 4.3 Nutaraq – kangiqhinnaqtuq imaa Nunavunmiutat ukiungit akun’ngani 2 uvunga 18 ukiut.
- 4.4 Ikayuqtauyug – kangiqhinnaqtuq imaa Nunavunmiutat aulaqtukhaq munaqhiliqiyaamini Taatiliqiyaamini.
- 4.5 Ikayuqtauyup Aullaagaqia – kangiqhinnaqtuq imaa Inirniuyuq maliktaaqtaa ikayuqtauyug atuqhugu Maliktakhaq 2, Ilanga 4.
- 4.6 Akiliqtuqatigiik – kangiqhinnaqtuq imaa ilanga pittaqtup Aanniaqtut Aullaarutait akiit akiliqtakhaa Ikayuqtauyup malikhugu una Atuagaq.
- 4.7 Tiliuqti – kangiqhinnaqtuq imaa avikturviup Aulapkaiyi Munaqhiqarvingnut, Aulapkaiyi Aanniaqtulivingnut Qikiqtani Aanniarviani, tikkuqaqtauhimayurluuniit.
- 4.8 Tiliuqti Nutaraq Ilagiillu Ikayurviat – kangiqhinnaqtuq imaa avikturviup Aulapkaiyi talvannga ataani *Nutaqqanik Ilagiinik Ikayuqtit* tikkuqaqtauhimayurluuniit.
- 4.9 Munaqtia – kangiqhinnaqtuq imaa angayuqqaat, haimmiqiyut, kinaliqaak munaqhiyuq Ikayuqtauyumik.
- 4.10 Aanniaqtut Ikayuutait – kangiqhinnaqtuq imaa ikayurviit, naunaiqtauhimayaat Maligaliuqtit taimaa Nunavunmi Aanniaqhiuqtimarimik aanniarnimut piyukhaq ikayutauyug.
- 4.11 Mirraaq – kangiqhinnaqtuq imaa Nunavunmiut ukiuqanngittut malrungnik ukiunik.
- 4.12 Maligaliurniq – kangiqhinnaqtuq
 - (a) *Aanniarviup Qulangnaiyautit unalu Aanniaqtut Inuuhiqattianirmut Titiqqiqiyut Maligaq;*
 - (b) *Aanniaqtailinikkut Nalliutiliqinirmut Maligaq;* unalu
 - (c) *Ihumarluktunut Maligaq.*
- 4.13 Nunavunmi Aanniaqhiuqtimari – kangiqhinnaqtuq imaa kinaliqaak laisqaqtuq Aanniaqtuliqiyaamini Nunavunmi havakhuni kaatulaakhuniluuniit Nunavut Kavamatkunut, ukua munaqhit, taaktit, hanayit. Uvunga Atuagarmut, kigutilliyit Nunavunmi Aanniaqhiuqtimariunngittut.
- 4.14 Inirniullaanngittuq – kangiqhinnaqtuq imaa kinaliqaak akun’ngani 16 uvvalu 18 ukiuqaqtut ihumatuyunnguqtut aanniarutimingnik qauyimaliqtut, uqariitait Nunavunmi Aanniaqhiuqtimarip unniutiblugit Aanniaqtut Aullaarutait.
- 4.15 Matavak – kangiqhinnaqtuq imaa tingmitikkutittugu Ikayuqtauyug qamanaqtukkut taaktiliqiyaktuhuni.
- 4.16 Aanniaqtunik Munaqhi – kangiqhinnaqtuq imaa munaqhi aanniaqtuliyut, ilayut avaliittuunngitut taaktit, munaqhit, aanniaqtuliyut, munaqhiyukhat Ikayuqtauyunik aullaqtilugit.
- 4.17 Aanniaqtut Aullaarutait – kangiqhinnaqtuq imaa aullaqtut Nunavut nunallaanginit Angiqtauhimayunut aanniaqtulivingnut hilataani Nunavut. Angiqtauhimayait Nunavunmi Aanniaqhiuqtimarip, munaqhiliqiyaangani pilimaitaminik Ikayautauyup nunallaangani.
- 4.18 Nunalingni Munaqtiuyug – kangiqhinnaqtuq imaa Nunalingni Munaqtiuyug tikkuqaqtauhimayug ataani *Nunalingni Pamiqhiutit unalu Pamiqtiuyinut Maligaq.*
- 4.19 Avikturvingni Tiliuqti – kangiqhinnaqtuq imaa Avikturviit Aulapkaiyi Munaqhiliqiyinut, Atan’nguyalluaq Iqaluit Munaqhiliqiyinut tikkuqaqtauhimayurluuniit.

5.0 HULIYAKHAIT HAVAARIYAKHAIT

- 5.1 Ministauyug
 - (a) Ministauyug (“Ministauyug”) havaktiuyug Atan’nguyat Katimayinut atuquibluni uuminnga Maligarmik.

- (b) The Ministauyuq pittaauqtuq:
 - (i) Angiqtaaqtaait pidjutikhat maliktauyukhallu; unalu
 - (ii) Naunaiqhailutik akikhaanik Akiliqtuiqatigiik qakugunnguraangat.

5.2 Tuglia Ministauyup

- (a) Tuglia Ministauyup Munaqhiliqiyitkunut (Tuglia Ministauyup) havaktiuyuq Ministauyumut titiqqiqidjutainut uuma Atuagap. Tuglia Ministauyup ahinut havaaripkaqtaaqtaa una: unalu
- (b) Ihuaghaffaarlugu qakugunnguraangat Maliktakhat Uiguallu ilauyut uumunga Atuagarmut.

5.3 Ikayuqtia Tuglia Ministauyup – Auladjutit

- (a) Ikayuqtia Tuglia Ministauyup – Auladjutit pittaauqtut:
 - (i) tikkuaghilutik Angitauhimayuq Hulivikhaq atuqhugu una Atuagaq;
 - (ii) naunaiqhilutik qanitqiyaaq Angiqtauhimayuq Hulivikhaq munaqhiliqidjutigiyakhait; imaalu
 - (iii) angirlugu tulikhaq Ikayuqtauyup Aullaagaqia Aanniaqtut Aullaarutait qanuriliurnaiqqat.

5.4 Avikturvingni Tiliuqtit

- (a) Avikturviit Aulapkaiyat havaariyaa ihivriughilutik uuktuffaarutit uumunga Atuagarmut; unalu
- (b) Aulapkaiyip angiqtaarunaqtaa Ikayuqtauyup Aullaagaqia aullaarutikhait aullaqqat ahinit Ikayutauyup nunallaaginqitaanit.

5.5 Tiliuqti

- (a) Aulapkaiyip angiqtaarunaqtaa Ikayuqtauyup Aullaagaqia tukhiqtauyuuq Nunavunmit Aanniaqhiuqtimariyimit malikhugu Maliktakhaq 2, Ilanga 4.

5.6 Nunavunmi Aanniaqhiuqtimariyi

- (a) Nunavunmi Aanniaqhiuqtimariyi naunaiqhivakatut munaqihidjutikhaagut Ikayuqtauyup imaalu aulapkalirlugit taaktiliarutikhait Angiqtauhimayunut Munaqhiqarviinut munariyauyaangani.
- (b) Nunavunmi Aanniaqhiuqtimariyi atuquittaauqtuq Ikayuqtauyup Aullaagaqianik mallauyukhat ikayuqtauyumut Aanniaqtut Aullaarutait angiqtaukpat Aulapkaiyinit.
- (c) Ikayuqtauyuuq munariyaukpat Nutaqqanut Ilagiinut Ikayuqtit, Aulapkaiyimit Nutaqqanut Ilagiinut Ikayuqtiinit angiqtauyukhaq aullaqtinnatik. Ikayuqtauyuuq pamiqtaukpat Nunalingni Pamiqtiuyut, Nunalingni Pamiqtiuyut angiqtakhariyaa aullaqtinnagu.

5.7 Ikayuqtauyuuq

- (a) Ikayuqtauyuuq taaktiliqivikhak tikitpata upautiyukhauyut pitquiuyut Nunavunmi Aanniaqhiuqtimariyi maliglugillu titiraqhimayut ukunani Ikayuqtauyuuq unalu Aullaagaqiatia Aullaarutaita Angirutit (Uiguag A).

5.8 Ikayuqtauyup Aullaagaqia

- (a) Ikayuqtauyup Aullaagaqia angiqtukhauyuuq nayuinaqtakhaa Ikayuqtauyuuq ubluqtamaat imaalu maliglugit atuqtauyukhat titiraqhimayut talvani Ikayuqtauyuuq unalu Ikayuqtauyup Aullaagaqia Aullaarutaita Angirutit (Uiguag A).

6.0 ATUQTAKHAIT

6.1 Hanguyut

- (a) Aanniaqtut Aullaarutait ikayuutit aniqtauyunaittut Aanniaqtut Aullaarutait hilataanit Nunavunmit aullaliqqaqqata.
- (b) Ikayuqtauyuuq aularumakpat taaktiliqivikhanut qanitqiyaunngituq Angiqtauhimayunit, aullaarutit ikayuutainik pilimaittut qaniqtiyanut Angiqtauhimayunut.
- (c) Aanniaqtut Aullaarutait ikayuutit tuniyaulimaittuq aadjikkutaanik ikayuutaikhaqaqtitaupat havaktimingnit qulangnaiyautiqarvingnit titiraqhimayut ilanga 3.3-mi.

6.2 Aanniaqtut Aullaarutait

- (a) Pittaaqtut
 - (i) Pittaaqtut pilimaittut Nunavunmiunut piyumayut Aanniaqtut Aullaarutainnik qanitqiyanut Angiqtauhimayunut malikhugit ukuat:
 - Ikayuqtauyuuq nunguvia tikihimaitunik Nunavunmi Aanniaqtut Naunaitkutainik; unalu
 - Huurmi aulaqtukhaq ihuariyauyuuq titirarnit Nunavunmi Aanniaqhiuqtimariyinit imaalu aullaarutit nuutitaulimaittuq atuqtuyunaittuq taamna Ikayuqtauyuuq aullaaliqqat aallakkut.
 - (b) Ikayuutait
 - (i) Aanniaqtut Aullaarutait nunakkuurutit qanitqiyanut angiqtauhimayunut; unalu
 - (ii) Aanniaqtunik Munaqhi unalu Ikayutauyup Aullaagaqia ikayuutit pittaaqtut Ikayuqtauyut.
 - (c) Qilanaarnikkut akikhaa Aanniaqtut Aullaarutait nunaqataunngitunut akiliqtauniaqtut Nunavut Kavamatkunit. Kihimi, ilikkuuqtuuq tuyuqtauniaqtuuq tamaanik akiliqtakhanik nunakkuurutinut.
 - (d) Ikayuqtauyut ningaqhimainaaqtuuq aallanut Ikayuqtauyunut, Ikayutauyup Aullaagaqia, Aanniaqtunik Munaqhi, munaqhini havaktut, itiqtirvingni havaktunut tingmitini havaktunulluuniit inmingnik aullaarutikhaqhiuqtukhat imaalu akiliqtuqtaqtik utiqitauniaqtuuq inirumik.

6.3 Uuktuffaarniq

- (a) Ikayuqtauyuuq Pamiqtiuyurluuniit pilaarutilik uuktuffaar nikkut ihumaliurutaannik talvuuna Aanniaqtut Aullaarutait.
- (b) Tugliq Ikayutauyup Aullaagaqia ihumaliurutait uuktuffaaqtaulimaittut .

6.4 Havaariyait

- (a) Munaqhiliqiyit tunihiniaqtut kangiqhidjutikhanik taapkunuuna titiqiqinikkut umanga Atuagarmik Ministauyumut.

7.0 MANIQAUTIQARVIKHAT

- 7.1 Maniqautikhat piyukhautit ataani uuma Atuagap atayut angirutinut maniqautit talvannga itqurnahuarluaqtainit Maligaliurviup imaalu naamayut uqumailutaunngittut maniqautaani ukiumi manik atuqtauyukhani.

8.0 MALIKTAUYUKHAT

- 8.1 Ikayuqtauyup ikayuutait, Ikayuqtauyup Aullaqatiata ikayuutait ukualu uuktuffaarutit piyauniaqatut maliglugit Maliktakhaq havaktauyut ikayuqhugu una Atuagaq.

9.0 NUNGUDJUTIKHAA

- 9.1 Una Atuagaq aulavalirnaiqtuq ubluani atiliurumikku talvunga Qiqailruq 31, 2018-mut.

10.0 UQARVIGIYAKHAT

- 9.1 Una Atuagaq piyauttaaqtuq Munaqhiliqiyit qaritauyakuurutaanit uqarivigilugilluuniit Munaqhiliqiyit:

Aanniaqtut Aullaarutait Havagviat
Titiiqivivia 1000, Stn 1046
Iqaluit, NU X0A 0H0
Akiittuq 1-866-371-3305
Hivayautaa 1-867-975-5759
Kayumiktukkut1-867-975-5964

Ilauyut: Maliktakhaq 1 – Aanniaqtut Aullaarutait Ikayuutit
Maliktakhaq 2 – Aanniaqtunik Munaqhi unalu Ikayuqtauyup Aullaqatia Angiqtauyut
Maliktakhaq 3 – Uuktuffaarutit

Uiguaq A – Ikayuqtauyup unalu Ikayuqtauyup Aullaqatia Angiqtauyut
Uiguaq B – Tukhiutit Ikayuqtauyup Aullaqatia Aullaarutaa
Uiguaq C – Uuktuffaarutit Tukhiutit Titirarviit



IKAYUQTAQ IKAYUQTAP AULLAQATIA ANGIRUTIT

Munaqhiliqiyitkut

(Aanniarnikkut)

Aanniaqtuliyit Aanniaqtut Aullaarutait Atuagaq

Atauhiuyut Pidjutikhait:

- Aanniaqtuliyit piyumayuitut imingayunik, higaarlungnik atuqtunik, ninngaumayunigluuniit, Aanniaqtut Aullaarutait ikayuutainik atuqhutik.
- Aanniaqtut Ikayutauyup Aullaqaqatiau atiliurvigiyakhaa una angirut aulaarutikhait iniqinata.
- Puukattanik hunanigluuniit tigumiaqtailutit kimulliqaaq, ilihimanngitkuvit hunanik iluliqaqata.
- Aanniaqtuliyit havaarinngitaat puukattahi uqumaitpata akiiluuniit angiqtauhimanngittut aullaqativit inirniq nutararluniit.
- Nakharlutit kavamaninit kinauyaakhautitit unalu Nunavut Aanniaqtut Naunaitkutait.
- Aanniaqtuliyit pitquiyut Aanniaqtut Ikayutauyup Aullaqaqatia manikhamingnik nakhalutiglu.
- Ilihimalutillu aullaqatitit aanniaqtuliyit akhuurvigihimaittumik.

Aanniaqtup Havaariyakhait:

- Aanniaqtut taaktiliqivikhait tamaita upautilugillu. Taaktiliqivikhait uaputinngitkupkit, aullaqitauhuirnaiqtitit aturlugu una Atuagaq.

Aanniaqtup Aullaqaqatiata Havaariyakhait

- Ukiutit avatqumayukhat 19 ukiut imaaluuniit pamiqtiulutillu Aanniaqtumut.
- Maliktakhautit aullaqatigiyat Aanniaqtup tamainut taaktiliarutikhainut.
- Nayuqtakhariyat aulautihimayat Aanniaqtup qimaktailugu, igluami hiniqatigilugulu.
- Aanniaqtup aanniarvingmiiptat, halihimavaglutit ikayuqpagiarni Aanniaqtup piyumayainik.
- Uqauhiikkut ayuqhautiqaqqat, numiktirutiyakhautit qablunaatut. Tautuktitilutillu uqaqataariarni taapkununga angirititit.
- Nayuniaqtalu Aanniaqtup havaalaani ilaani hitamani.
- Qauyimayukhauyutit Aanniaqtup qanurinninganik havautituktakhainiglu.

ANGIRUTAIT

1. Kangiqhiyatka angiqhugillu havaariyakhatka.
2. Tamaita havaariyakhatka atunngitkupkit, Aanniaqtuliyit munariyunaitait tingmidjutikhatka, akiliffaarniaqtatka utiqtillugit akiliqtuqtait.
3. Kangiqhiyara aullaqtut maligait atuqtakhait uqaqtauyut uvamnut qilamiglu hivayautikhat pihimayara ayuqhautiqarupta

Ikayuqtauyup Atia atiliurvia

Titirattiarlugu

Ubluani

Ikayutauyup Aullaqaqatia atiliurvia

Titirattiarlugu

Ubluani

Atliurvia takuhiyup atiliurvia

Titirattiarlugu

Ubluani

Tamaita piyakhatit pinngitkupkit munaridjuhikhatit ilvit ayuqhautiqaruvit, Aulapkaiyi ihivriuhiniaqtup imaalu aullarutitit akiliqturiittumik.



UIGUA B

PIYUMAKPAT IKAYUQTUP AULAAQATIA AULAARUTAA

Munaqhiliqiyitkut

Aanniaqtuliqiyit Aanniaqtut Aullaarutait Atuagaq

Ikayuqtauyp Atia:	Aanniaqtailinirmut khittitaa:	Ublua Annivia:
Aullaqaqtiata atia:	Nunanga^:	Ublua Annivia:
Tugliq Aullaqaqtiata*:		Ublua Annivia:
Ubluq tukhirvia:	Ublua Taaktiliqivikhaa[fit]:	

* - Tugliq Ikayutauyp Aullaqaqtiata_ilaani naunaiqtauvataat. Nunavunmi Aanniaqhiuqtimariyi ikayuqtakhaa tukhiqtaat unniutilugillu huuq piyumayaakhait tuglirmik Ikayutauyp Aullaqaqtiata (aturlutit aallamik makpiraarmik). Tukhiutit tuyuqtauypukhat Ikayuqtiatugliata Ministauyp –Tukhiutit tuniyauyukhaq Ikayuqtiatugliata Ministauyp – Auladjutit (ADM), uvuuna Aviktuviup Aulapkaiyagut

^ - Aviktuviup Aulapkaiyia angiqtaaqtaa allamit nunallaanganit Ikayutauyq.

Naittuq kangiqhidjutini aturlutit naunaiqhailutit ukunanga. Ikayuqtauyp Aullaqaqtiatugliata imaa:

- _____ A. Itqumayukkut angurunmik piyariaqqamat Munaqtianit
- _____ B. Ikayuqtauyp ihumarlungmat ayuqhautiqarmat inminik aulariaminik
- _____ C. Ikayuqtauyp atauhimik Inuktuinnaq uqauhiqaqqat Ikayutauyp numiktiriyiyikhaitpat Taaktiliarviani.
- _____ D. Aullaqaqtiata ilauyukhauyq Ikayutauyp munaqhijutikhaini imaalu tiliuqtauniaqtuq qanuq atuqtakhainik aihimalirumi munaqhijutikhainik pilimaitait ikayuqtauyp inminik.

Qaan'nganiittut pittaalaqavitigun ihumagilgauyaaqaaqlugit. Kihiani piqanggitpat Aullaqaqtiatugliata ihumagiayuni pitjutikpatta malikhimayut ihumaliuqtauhung'nguyut:
Ikayuqtauypumayyq atauhiinnaqmik uqauhiqaqtuq uqiukaqhunilu 65 mik angngayukhiupluniluunniit. Titiraqlutin ataani huuq aullaqaqtiatugliata piyumayutin haffuumamitigun.

Ilihmayakhat: Ikayutauyp Aullaqaqtiat_nutararmik nakhalimaittut. Ikayutauyp Aullaqaqtiat_himmautikhaminik tukhiqtaaqtuq hitamat havailaat aniguqqata aullaqhimablutik.

Ilihmayakhauyut [inikhaiqqat aallamik makpiraamik titirarvialutit]

Atiliurvia Nunavunmi Aanniaqhiuqtimariyi

titirattiarlugu

humi hivayarvikhaat

Kayumiktukkut: QGH 867-979-3121; Oikiqtani 867-473-2657; Kivalliq 867-645-2149; Kitikmeot 867-983-4089

Aulapkaiyip iniqtiqtakhaa - huuq taimaa ihumaliuqtuq

<input type="checkbox"/> Angiqtaa	<input type="checkbox"/> qinngiyaa
_____	atiliurvia
_____	Ubluani

una qinngiyaukpat, Ikayuqtauyp Munaqtialuunniit ihumaliurutaat utiqtiifaaqtauypuq Aviktuviup Aulapkaiyianut titirarluni uuktuffaarutiniik titirarvikhaq haputiqaqhunilu Uuktuffaarutiniik Malikgutikhait.



UUKTUFFAARUTIT TITIRARVIKHAQ
Munaqhiliqiyitkut
Aanniaqtuliyiyit Aanniaqtut Aullaarutait Atuagaq

Ilitturidjutikhait Ikayuqtauyumit Munaqtianiluuniit qinngiyauyup aulaaqatigigiangani:

Ikayuqtauyup Atia:

Ublua Annivia:

HCP Kihittitaa:

Nunallaanga:

Ubluq tukhirvia:

Taaktiliqivikhaa Ublua[ngit]:

Ublua Taaktiliqivikhaa naunaiqtaungmat:

Ikayuqtauyup Havagvia:

Una uuktuffaarutit uqauriyakhaa huuq hungmalluuniit ikayuutit tukhiqtauyuq.

Una ilitturidjutauyuq uuktuffaarutit ihumaliurutait talvuuna ikayuutauyukhaq aullaarutaigut taaktiliqiyaangani Munaqhiliqiyaangani. Uuktuffaaqyara ihumaliurutaat imaa ihumagigapku(kit):

Kakkitulugit aallanik makpiraaqaqat, piyumaguvit.

Atiliuriva Ikayuqtauyup Munaqtiataluuniit

humi hivayarvikhaat

Kayumiktukkut: QGH 867-975-7195; Qikiqtani 867-473-2657; Kivalliq 867-645-2149; Kitikmeot 867-983-4089

Aulapkaiyip iniqtiqtakhaa: Huuq taimaa ihumaliuqtuq

<input type="checkbox"/> Angiqtaa	<input type="checkbox"/> qinngiyaa
_____	atiliurvia
_____	Ubluani

Una uuktuffaarutaa qinngiyaukpat uuktuffaaqtaulimaittuq